

aut **11x** Provincias dividunt, quæ sunt *Alde Marck* five *Vetus Marchia*, *Meddel Marck* five *Media*, *Neu-Marck* five *Nova*, *Uber Marck*, *Pregnitz*, *Crossen*, Ducatus: *Sterneberg* & *Coibus* Dominia: item *Pars Lusatia*. Sunt & minores in his Provinciis Comitatus, ut *Rapin* & *Vierraden*, & *Kustrin* Marchionatus. Habet in universum *Marchia Brandenburgica* cum iis regionibus quas ejus juris esse diximus **lv** insignes urbes, **lxiv** *Opida*, **xvi** *Opidula*, quæ *Marckflecken* vulgo vocant, **xxxviii** *Arces*, five *Nobilium ædes*, **x** *Vivaria*, **xvii** *Cænobia*. Fluminibus irrigatur *Odera*, five *Viadro*, *Suevo*, *Albi*, *Havela*, *Warta*, & aliis. Prope *Frankfurtense Car-* *Flumina*
thusianorum Cænobium rivulus est, ex colle vitifero emanans, in quem quicquid inciderit, in lapidem indurescere compertum est. Atque hæc de Marchionatu Brandenburgico: restat ut de Pomerania quæ titulo ipsius tabulæ continetur, pauca subjungamus.

Pomerania primis cultoribus lingua Wandalica *Pamoriæ* appellata, nunc Ducatus est, adjacens mari *Balthico*, extenditurque longo tractu ab *Holsatiæ* finibus, ad fines *Livoniæ*. Regio est ubique fertilis; prata habet & pascua læta gramine. Frumento, Butyro, Melle, Cera, Canabi, Lino, rebusque aliis istiusmodi abundat usque adeo, ut etiam ex eorum exportatione Incolæ magnas sibi opes parent. Colligunt etiam maris *Accolæ* succinum, sed minore copia quam *Borussii*. Varii generis videre est ibi *Animalia domestica*: atque in *Silvis* *Ferarum* armenta varie discurrentia. Proprios hæc Regio semper *Dominos* & *indigenas* habuit, nunquam victos, nunquam suo solo & *ditionibus* pulsos. Civitates hic multæ sunt & nobiles. *Stetinum* præcipua est, ad *Viadrum* amnem: olim *piscatorum vicus oblongus* ad fluminis ripam, sed post susceptum *Christianismum*, & destructam *Winetam* translato illuc emporio amplificari cœpit, estque adeo nunc totius *Pomeraniæ* *Metro-*
polis. *Gripswaldum* *Opidum* *literatum artiumque humaniorum cultu celebre*: *Gymnasium* exstructum est anno **cicicxlv**. *Julinum* *Opidum* olim totius pene *Europæ* amplissimum, *Emporium* *Vandalorum* fuit. *Stralsundia* *Opidum* *splendidum* in *littore Maris Balthici*, olim proprium *Ducem* habens. *Wineta* omnium quondam *maritimarum urbium opulentissima*, destructa a *Conrado Danorum Rege*. Sunt & aliæ urbes *Neugardia*, *Lemburg*, *Seargardia*, *Bergradum*, *Camenez*, *Publina*, *Grisenburg*: & ad littus *Colberga*, *Caminum*, *Collinum*, *Sunda*, *Pucka*, *Revecol*, *Lovensburg*, & *Heckel*. Atque hæc de Pomerania pro hujus loci angustia paucis sint dicta. Continetur etiam hac *Tabula Meckelnburg* five *Magnopolensis* Ducatus. Suntque in eadem *Tabula*, *Ec-*
clesiastici, *Magdeburgensis Archiepiscopus* & *Primas Germaniæ*: cui sub sunt in *Marcka Brandenburgensi*, *Bran-*
denburg Episc. & *Havelburg* in *Meckelnburg*; *Swerinensis Episcopus* sub *Bremesi*, in *Pomerania Camin Episcopus*.

Regio.

Situs.

Soli fertilitas.

Animalium va-

rietas.

Imperium majo-

rum.

Urbes.